

NAQQIUT

(Manna naqqiut 7 november 2023-mi naqqiummut taartaavoq)

(Naqqiutip

kalaallisoortaata allanneqarneranik
naqqiisoqarpoq)

Uunga

Allannguutissatut siunnersuut

**Uunga siunnersuut: Kommunit Namminersorlutillu Oqartussat naatsorsuutaat
missingersuutaallu pillugit Inatsisartut inatsisaata allanngortinneqarneranik
Inatsisartut inatsisaat**

Aappassaaneerneqarneranut Naalakkersuisunit saqqummiunneqartoq.

§ 1-imut

1. I § 1, nr. 01-itut nutaatut ilanngunneqarpoq:

”01. § 4-mi imm. 2-p kingorna ilanngunneqarpoq:

” *Imm. 3.* Inatsisartut inatsisaatigut imaluunniit Inatsisartut inatsisaata allanngortinneratigut, Inatsisartut inatsisaanni imaluunniit Inatsisartut peqqussutaani aningaasartuutini, utertussat kingorna, Inatsisartut kommuninut katillugit 5 mio. kr.-t sinnerlugit aningaasartuuteqarnerulersitsippata, aningaasartuutaanerusussatut ilimagineqartut Namminersorlutik Oqartussat missingersuutaasa inissisimanerininik naatsorsuinermi ilanngullugit naatsorsorneqassapput, tak. imm. 1 aamma 2.”

Siunnersuummut nassuiaatit

Nassuiaatit nalinginnaasut

Siunnersuummi siunertaavoq inatsimmi § 2, imm. 2, nr. 2 malillugu ineriartornermut iliuseqarsinnaanerisa periarfissaannik annikillisisitsisumik Inatsisartut kommuninut annertuumik aningaasartuuteqartitsinerunissaasa pinngitsoortinnissaa.

Siunnersuutip kinguneraa Inatsisartut kommuninut katillugit 5 mio. kr.-t sinnerlugit aningaasartuuteqalernerulersitsisumik inatsimmik akuersineranni Namminersorlutik Oqartussat missingersuutini inissisimanerisa naatsorsornerani, aningaasartuutaanerulertussatut naatsorsuutigineqartut ilanngunneqartarnissaat.

Aningaassat naatsorsorneranni aningaasartuutini utertinneqarsinnaasut isigineqassapput. Tamassuma kinguneraa, inatsisissatut siunnersuutip akuerinerani kommunit aningaasartuuteqarnerulernissaat akileraarutinillu isertitaasa annertusinissaat aningaasartuutinilluunniit sipaartoqarnissaa ilimagineqarsinnaappat taakku aningaasat naatsorsorneranni ilanngaatigineqassasut.

Allannguutissatut siunnersuutip aningaasatigut kingunera

Allannguutissatut siunnersuut aningaasatigut toqqaannartumik kinguneqassanngilaq, kisianni kommunit aamma Namminersorlutik Oqartussat missingersuutini inissisimanerisa, tassa taakku aningaasat atorsinnaasaasa naatsorsornerinut, pingaaruteqarpoq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Siunnersuutigineqarpoq, Inatsisartut, Inatsisartut inatsisaannik, Inatsisartut peqqussutaannik taamaattumilluunniit allannguutissamik akuersineranni, naatsorsuinerup kingorna kommunit aningaasat katillugit 5 mio. kr.-t sinnerlugit aningaasartuuteqarnerulersinneqarpata, aningaasartuutaanerulertussatut ilimagineqartut Namminersorlutik Oqartussat missingersuutini inissisimanerannik naatsorsuinermi ilanngunneqartassasut.

Aningaasat 5 mio. kr.-t annikitsunnguutut killiliunneqarput. Kommunit ataatsimut isigalugit aningaasat tamarmiunissaannik ilimagineqartuni annikitsunnguit killinganit annikinnerussapput. Aningaasat inatsisissatut siunnersuutini ataasiakkaani immikkut naatsorsorneqartassapput.

Aningaassat naatsorsorneranni aningaasartuutini utertinneqarsinnaasut isigineqassapput. Tamassuma kinguneraa inatsisissatut siunnersuutip akuerineqarneranut atatillugu, kommunit aningaasartuuteqarnerulernissaat akileraarutinillu isertitat annertusinissaat aningaasartuutissannilluunniit sipaaruteqartoqarnissaa ilimagineqarsinnaapput, taakku aningaasat naatsorsorneranni ilanngaatigineqassasut.